



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-118-5/23**
Datum: **19.04.2023. godine**

«Agencija za vodno područje rijeke Save» Sarajevo, na osnovu člana 217. Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK **o ispravljanju greške u rješenju**

1. U Rješenju «Agencije za vodno područje rijeke Save», Sarajevo broj: UP-1/21-2-40-118-4/22 ispravlja se greška u godini donošenja rješenja, tako da umjesto „UP-1/21-2-40-118-4/22“ treba da stoji: **UP-1/21-2-40-118-4/23**.
2. Ovaj zaključak čini sastavni dio rješenja navedenog u tački 1. ovog zaključka i dostavlja se stranci, kojoj je dostavljeno rješenje.

Obrazloženje

Nakon što je uočena tehnička greška u rješenju o vodnoj saglasnosti broj: UP-1/21-2-40-118-4/22 od 11.04.2023. godine, Agencija je pristupila izmjeni godine donošenja rješenja. Izmjena se odnosi na godinu donošenja rješenja, te umjesto „UP-1/21-2-40-118-4/22“ treba da stoji: **UP-1/21-2-40-118-4/23**.

U skladu s odredbama člana 217. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), ispravka greške proizvodi pravni učinak od dana od koga proizvodi pravni učinak rješenje koje se ispravlja.


Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta
Aida Bezdob, dipl.inž.građ.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.



Dostaviti:

- Općina Trnovo, Trnovo 36, 71220 Trnovo
- ⊖ AVP Sava, ISV - Vodna knjiga
- Sektor 40, arhiva
- AVP Sava - Oglasna ploča



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: **UP-1/21-2-40-118-4/22**
Datum: **11.04.2023. godine**

«Agencija za vodno područje rijeke Save» Sarajevo rješavajući po zahtjevu Općine Trnovo za izdavanje vodne saglasnosti za uređenje korita rijeke Željeznice nizvodno od mosta u Godinji na dužini cca 900 m, na osnovu člana 109. stav (1) tačka 14., a u vezi sa članom 80. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 63/22), **d o n o s i**

R J E Š E N J E **o vodnoj saglasnosti**

1. Podnosiocu zahtjeva Općini Trnovo daje se vodna saglasnost za uređenje korita rijeke Željeznice nizvodno od mosta u Godinji, prema Glavnom projektu: „*Uređenje rijeke Željeznice nizvodno od mosta u Godinji u dužini oko 900 m, Općina Trnovo*“, urađenom od strane projektne kuće „ES HYDROTECHNICS“ d.o.o. Sarajevo, februar 2022. godine po kojem se planira izvođenje radova na uređenju, sanaciji i čišćenju korita rijeke Željeznice, a u cilju sanacije oštećenih poteza uređenog korita, zaštite prirodnog korita od erozije i čišćenje korita od nanosa i vegetacije.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za izvođenje radova.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-327-3/22 od 04.08.2022. godine. Vodna saglasnost se donosi na temelju dostavljene projektne dokumentacije pod slijedećim uslovima:
 - 3.1. Izvođenje radova na uređenju korita rijeke Željeznice na predmetnim dionicama vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Prije početka radova potrebno je obnoviti oznake poprečnih profila koje moraju biti jasno vidljive rukovaocu mehanizacije koja će se koristiti, a i u cilju lakše kontrole izvršenih radova. Parcelu/lokalitet na kojem će se vršiti čišćenje i uklanjanje materijala iz korita obavezno iskolčiti i iskolčavanje održavati tokom vršenja svih radova.
 - 3.4. Izvođač radova je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.5. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.6. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.8. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.10. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
- 3.11. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja korita rijeke, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.13. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.
4. Korisnik vodne saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i deponiji za odlaganje izvađenog materijala (smeće, mulj, kruti otpad, pijesak, šljunak, šibljie i dr).
5. Ukoliko se izvođenjem radova na uređenju korita rijeke Željeznice na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
7. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obala na predmetnim dionicama, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji se može pojaviti prilikom predmetnog čišćenja korita rijeke Željeznice, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Općina Trnovo je putem svojih stručnih službi podnijela zahtjev za izdavanje vodne saglasnosti za aktivnost uređenja korita rijeke Željeznice nizvodno od mosta u Godinji, općina Trnovo, u cilju sanacije oštećenih poteza uređenog korita rijeke Željeznice, zaštite prirodnog korita od erozije i čišćenje korita od nanosa i vegetacije, prema Glavnom projektu: „Uređenje rijeke Željeznice nizvodno od mosta u Godinji u

dužini oko 900 m, Općina Trnovo", urađenom od strane projektne kuće „ES HYDROTECHNICS“ d.o.o. Sarajevo, februar 2022. godine.

Uz zahtjev za izdavanje vodne saglasnosti dostavljena je sljedeća dokumentacija:

- Ovjerena kopija uvjerenja o registraciji poreznog obveznika izdatog od strane Porezne uprave FBiH - Kantonalni porezni ured Sarajevo, od 12.07.2021. godine;
- Kopija Rješenja o prethodnoj vodnoj saglasnosti broj: UP-1/21-1-40-327-3/22 od 04.08.2022. godine donesenog od strane Agencije za vodno područje rijeke Save Sarajevo;
- Kopija Rješenja o urbanističkoj saglasnosti donesenog od strane Službe za urbanizam, građenje, komunalne poslove i zaštitu čovjekove okoline Općine Trnovo, broj: UP-1 02/2-19-152/23 dana 13.02.2023. godine;
- Glavni projekat: „Uređenje rijeke Željeznice nizvodno od mosta u Godinji u dužini oko 900 m, Općina Trnovo“, urađenom od strane projektne kuće „ES HYDROTECHNICS“ d.o.o. Sarajevo, februar 2022. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Glavni projekat iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Na osnovu priložene dokumentacije i Glavnog projekta, izrađenog po uvjetima datim ranije izdatom prethodnom vodnom saglasnošću broj: UP-1/21-1-40-327-3/22, kao nesporno je ustanovljeno da će se izgradnjom regulacije korita rijeke Željeznice na predmetnoj dionici obezbijediti proticajni profil, stabilizacija obala vodotoka i sprječavanje štetnog djelovanja voda.
- Planirani radovi spadaju u kategoriju aktivnosti obuhvaćenih članovima 80. i 81. Zakona o vodama.
- Od strane Službe za urbanizam, građenje, komunalne poslove i zaštitu čovjekove okoline općine Trnovo data je informacija broj: UP-1 02/2-19-307/22 dana 07.04.2022. godine, da nema pravnog lica koje upravlja i vrši nadzor na ribolovnom području rijeke Željeznice.

Priloženi Glavni projekat sadrži:

- Geodetsko snimanje trase, u širini od cca 30 m na lijevoj i desnoj obali, na kojem se planiraju izvoditi radovi čišćenja korita od nanosa;
- situaciju MJ 1:1000, uzdužne i normalne profile uređenih obala i poprečne profile urađene na lokacijama gdje je potrebno vršenje radova;
- geometrijske karakteristike korita (širina, dubina, osovina i sl.), prezentirane su na poprečnim profilima;
- uzdužne i normalne profile regulisanog korita/uređenih obala
- priložen je tabelarni proračun količina materijala planiranog za iskop, odnosno površina na kojoj je predviđeno čišćenje korita.

U ispitnom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-327-3/22 od 04.08.2022. godine izdate po zahtjevu «Agencije za vodno područje rijeke Save» Sarajevo podnesenom putem “Sektora za realizaciju investicionih projekata”, te je shodno članu 114. Zakona o vodama, upisivanjem broja i stavljanjem otiska pečata ove Agencije na dio dokumentacije kojom su tretirane predmetne dionica vodotoka, data vodna saglasnost na istu.

Na osnovu priloženog Glavnog projekta utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava na predmetnom području, na osnovu člana 109. stav (1) tačka 14. Zakona o vodama i člana 17. stav (1),

tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), a u vezi sa članom 114. Zakona o vodama, valjalo riješiti kao u dispozitivu ovog rješenja.


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka: Aida Bezdrob, dipl.inž.građ.

Prilog: *Ovjeran Glavni projekat: „Uređenje rijeke Željeznice nizvodno od mosta u Godinji u dužini oko 900 m, Općina Trnovo”, urađenom od strane projektne kuće „ES HYDROTECHNICS” d.o.o. Sarajevo, februar 2022. godine;*

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- Općina Trnovo, Trnovo 36, 71220 Trnovo (Prilog);
- ⊗ AVP Sava, ISV – Vodna knjiga
- Sektor 40, arhiva
- Oglasna ploča AVP - Sava